

Gozvuyen Gyauyuz Duzcazcu j Daengz Mungz-gungh Minzcungh Duzcaz Hong Haihag

国务院教育督查组到蒙公乡民族初级中学督查开学工作

□ Huz Bangjhangz/胡榜航



▲ Gyoengq duzcazcu j yiengq lauxsae liujgaij Cuengh Gun song saw vah sonhag cingzgvang.

▲ Duzcazcu j yawjngonz aen fuengz langhbaij doxgaij vwnzva ndawbiengz Bouxcuengh.

◀ Duzcazcu j yawjngonz ndaw hagdangz, liujgaij gak hangh hong ndaw hagdangz.

3 nyied 18 hauh, youz Gvangjdungh Swngj Gyauyuzdingh dangcu j cwngzyenz、fudinghcanj Cuh Cauhvaz guh boux cujcanj, buenx Gozvuyen Gyauyuz duzcazcu j 3 boux vunz daeuj daengz gih raeuz Gveigangj Si Cindzangz Gih Mungz-gungh Yangh Minzcuz Cuhgiz Cunghyoz, doiq gij hong bi 2015 hageiz seizcin haihag cingzgvang guh cienhangh dukcoi ceiyyinx genjcaz. Swcigih Gyauyuzdingh gih-gyau cu cangj Loz Su, Gveigangj Si Gyauyuzgiz gizcangj Vangz Gengih, Cindzangz Gihveij cangzveij、fugih-cangj、senhconz bucanj Huz Gyangz nem Cindzangz Gih Gyauyuzgiz mbanj vunz buenx bae caez guh duzcaz.

Gyoengq boux duzcazcu j dingq le Luz Gozminj yaucangj guh hong haihag veibau le, lij bae fuengz-banhgoeng lauxsae、ndaw gyausiz caeuq saeseng gyauhliuz naenghdamz, doiq gij cingzgvang hagdangz haihag

diuzgen baujcanj、hong ancienz hagdangz、hengzguh gveihfan banh-hag、doih lauxsae gensez、cungdenj gyauyuz hanghmoeg doicaenh nem lozsiz baijbouh hong cienhangh daengj roek fuengmienh neiyungz guh duzcaz. Mwh gyoengq boux duzcazcu j rox daengz Mungzgungh Minzcungh dwg aen hagdangz Cuengh Gun song saw vah sonhag sawqniemh le, lij daegdaengq dingqyawj le lauxsae hwnj goq Sawcuengh caeuq goq minzcuz diyyuz. Gyoengq boux duzcazcu j lij ngonzyawj aen dieg langhbaij gaiqdawz hongnaz ndaw-biengz Bouxcuengh、aen fuengz langhbaij doxgaij vwnzva ndawbiengz Bouxcuengh nem roqhongh senh-conz minzcuz vwnzva, sijsaeq liujgaij hong gyauyuz sonhag cingzgvang hagdangz.

Gyoengq boux duzcazcu j doiq hong haihag hagdangz caeuq hag-dangz aeundaeg gij cingzcek maenh-ndei neix gig muenxeiq, nyinhnaeuz



▲ Duzcazcu j yawjngonz aen dieg langhbaij gaiqdawz hongnaz ndawbiengz Bouxcuengh.

hagdangz guh hong haihag guh ndaej ndei, hong ancienz guh ndaej ak, gyauyuz sonhag miz diuz miz leix, banhhag hengzguh gveihfan gonq-laeng baijbouh ndaej ndei. Gyoengqde lij daegbied haenh naeuz aen hagdangz neix banhhag miz minzcuz daegsaek, vwnzva Bouxcuengh daej laeg daej na.



▲ Gyoengq duzcazcu j yawjngonz “roqhongh minzcuz vwnzva” ndaw hagdangz.



▲ Goq minzcuz diyyuz lai cungi lai viengh.

Lungzswng:

Siengjniemh Banlaux Gwzming Hungzyangz Aensim Gyaez Guek

龙胜：缅怀革命先辈 弘扬爱国情怀



▲ Swsuij Siujoyz lauxsae hawj hagseng gangj gij gojgaeq hungzginh byaij gvaq Lungzswng haenx.

Mboengqneix daeuj, Lungzswng Gak Cuz Swciyen gyoengq sausen h duiyenz、dangjyenz ganbu、gungcinghdonz baenbied camgya le youq gwnz vangj caeq yinghyungz lezsw、baet moh lezsw hozdung, siengjniemj gij goenglauz hungmbwk banlaux gwzming lezsw haenx, geiqdak aen sim siengsim siengjniemh gyoengq gwzming banlaux lezsw, ciepsouh gyaezguek cuji conzdungj gwzming gyauyuz.

(Veiz Gzyangz Yang Canghveih/韦吉阳 杨昌辉)

► 4 nyied 2 hauh, Lungzswng Gak Cuz Swciyen Swsuij Siujoyz gyoengq sausen h duiyenz yiengq yinghyungz gijnenbeih guh gingqleix.

